

16.09.2022թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 417891/09

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով վարչական իրավախախտման վերաբերյալ թիվ 36182 գործը և ուսումնասիրելով վարչական իրավախախտման վերաբերյալ 12.09.2022 թվականի թիվ արձանագրությունը,

ՊԱՐԶԵՑԻ

Համաձայն հարկային մարմնում առկա անձնական հաշվի քարտի մնացորդների վերաբերյալ տեղեկանքի «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅԱՆ «ԱՐԱՐԱՏԻ ՏԱՐԱԾԱՇՐՋԱՆԱՅԻՆ ՊԵՏԱԿԱՆ ՔՈԼԵՋ» ՊՈԱԿ-ի տնօրեն Իսկուհի Վարդանյանը (ՀՎՀՀ՝ 04201824, հասցե՝ Արարատի մարզ, Արտաշատ, Նար-Դուսի փող. 382., բն. 7) ՀՀ օրենսդրությամբ սահմանված ժամկետում չի վճարել կազմակերպության հարկերը, որի հետևանքով կազմակերպության պարտավորությունները ՀՀ պետական բյուջեի նկատմամբ առ 26.07.2022թ-ի դրությամբ կազմում են 625.226 ՀՀ դրամ, որից 622.921 ՀՀ դրամը առաջացել է 2022թ. հունիս ամսվա եկամտային հարկի հաշվարկից, որի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 170³ հոդվածով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը ներկայացրել է դիմում առ այն, որ հունիս ամսվա եկամտային հարկի հաշվարկը ճշտվել է 2022թ.-ին հուլիսի 25-ին և անձնական հաշվի քաղվածքում հարկային պարտավորությունը արտացոլվել է միայն հաջորդ օրը, ուստի վճարումը անմիջապես կատարվել է 2022թ. հուլիսի 26-ին:

ՀՀ ՊԵԿ տեղեկատվական համակարգում առկա տվյալների ուսումնասիրությունից պարզվել է, որ Իսկուհի Վարդանյանի կողմից 20.07.2022թ. ներկայացվել է 2022 թվականի հունիս ամսվա եկամտային հարկի հաշվարկը, որից առաջացած հարկային պարտավորությունների գումարը՝ 2.036.990 ՀՀ դրամը մարվել է օրենքով սահմանված ժամկետում՝ 20.07.2022թ.: Միաժամանակ Իսկուհի Վարդանյանի կողմից 25.07.2022թ. ներկայացվել է 2022 թվականի հունիս ամսվա եկամտային հարկի ճշգրտված հաշվարկ, որով 2.036.990 փոփոխվել է՝ ավելանալով 1028015 ՀՀ դրամ գումարի չափով, որն էլ մարվել է 26.07.2022թ.-ին:

Ելնելով վերոգրյալից և հիմք ընդունելով այն հանգամանքը, որ սույն գործով բացակայում է իրավախախտման դեպքը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32, 244², 281 հոդվածներով, 247-րդ հոդվածի 1-ին մասով և 282-րդ հոդվածի 2-րդ կետով՝

ՈՐՈՇԵՑԻ

Իսկուհի Վարդանյանի նկատմամբ իրականացվող վարչական պարտիք վարձել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

